

玉機辨症



玉機辨症 上

滯下

瘧

中風

傷風

癘風

風癰

破傷風

內傷

痰飲

頭眩

吐酸

痞滿

欬逆

瘕

泄瀉

損傷

玉機辨症 上

柯 琴 韻伯

改齋氏纂

滯下

風寒暑濕作痢無擇云滯下多由脾胃不和飲食過度停積

于腸胃不能剋化又為風寒暑濕之氣干之故為此

疾傷熱則赤傷冷則白傷風則純下清血傷濕則下

如豆汁冷熱交併赤白兼下 又云古方風停膏腠

下瘀血或鮮血 用誠云風喜傷肝肝主血故下清

血者為風濕喜傷脾胃為五穀之海無物不受常

兼四臟蓋豆汁之色如五色之相雜故下豆羹汁者



為濕 機要云太陰經受濕而為水泄虛滑身重微
滿不知穀味久則防變而為膿血脾經傳腎謂之賊
邪故難愈若先膿血而後水瀉此腎傳脾謂之微邪
故易痊

秘
法大機要云後重則宜下腹痛則宜和身重則除濕脈
弦則去風膿血稠粘以重劑竭之身冷自汗以熱藥
溫之風邪內縮宜汗之驚澹為利當溫之又云在外
者發之在裏者下之在上者湧之在下者竭之身表
熱者內疎之小便濇分利之 秘藏云風邪下陷者
升舉之濕氣內勝者分利之 原病式云或曰白痢

既為熱病何故服辛熱之藥亦有愈者耶蓋辛熱之藥能開發腸胃鬱結使氣液宣通流濕潤燥氣和而已蓋病微者可愈甚者鬱結不開其病轉加而死矣凡治熱甚吐瀉亦然夫治諸痢者莫若以辛苦寒藥治之或微加辛熱佐之則可蓋辛能發散開通鬱結苦能燥濕寒能勝熱使氣宣平而已如錢氏香連丸之類是也故治諸痢者黃連黃柏為君以其至苦大寒正主濕熱之病乃若世傳辛熱金石毒藥治諸吐瀉下痢或有愈者以其善開鬱結故也然雖亦有驗者或不中效反更加害用誠云滯下古今多與泄瀉同



其

論至三因方始能另立條目蓋實有不同夫病有從
外感而得者須分六氣之異外既受傷腸胃鬱結遂
成赤白等證當分其寒熱溫涼以調之有因臟氣發
動干犯腸胃而得者須察何臟相乘以平治之又其
有因飲食失節而得者則又審其何物所傷以消克
之世之感此疾者其因誠不越乎是三者

赤白痢分
氣血傷

原病式曰或言下痢白為寒者誤也若果
為寒則不能消穀何由反化為膿也所謂下痢穀反
為膿血如世之穀肉菜菜濕熱甚則自化腐爛潰發
化為膿血也其熱為赤熱屬心火故也其濕為黃濕

屬脾土故也燥鬱為白屬肺金也經曰諸氣贖鬱皆
屬於肺謂燥金之化也然諸瀉痢皆兼於濕今反言
氣燥者謂濕熱甚於腸胃之內而腸胃怫鬱結而
又濕至于痞以致氣液不得宣通因以成腸胃之
燥使煩渴不止也假如下痢赤白俗言寒熱相兼其
說尤誤豈知水火陰陽寒熱者猶權衡也一高則必
一下一盛則必一衰豈能寒熱俱甚於腸胃而同為
痢乎如熱瘡瘍而出白膿者豈可以白為寒歟用
誠曰河間謂赤白不當分冷熱乃屬肺金心火之化
又謂五色各屬五臟本則一出於熱其論至當但世



患此疾者赤白居多。心主血，肺主氣，白屬肺，金此氣受病也。赤屬心，火此血受病也。赤白相雜，血氣俱受病也。知此則脾黃、肝青、腎黑之說亦可得而互明矣。
行血調氣用誠曰：河間云：行血則便膿，自愈；調氣則後重自除。蓋謂浚便膿、血之滯也。故曰：行血自愈，奔迫後重，氣之實也。故曰：調氣自除。誠哉！是言但膿血赤白亦有氣病、血病之分。後重裏急亦有氣實、血虛之異。學者又不可不察。

痢

下仲景曰：下痢脈滑而數者，有宿食也。當下之下，則脈反滑。當有所去，下之安。下痢不欲食，有宿食者，當

下之下痢腹滿痛為實寒當下之下利腹堅者當下
之下痢證語有燥屎當下之下痢三部脈皆平按之
心下堅急下之下利已差至其時復發者此為下未
盡更下之安 丹溪曰仲景治痢之法率用承氣加減

大黃之寒其性善走佐以厚朴之溫善行滯氣緩以
甘草之甘飲以湯液灌滌腸胃滋潤輕快無所留滯
積行即止此砒丹已痼熱毒類聚成丸其氣凶暴其
體重燥積垢雖行毒氣未歇借使有愈疾之功其腸
胃清淳之氣能免旁損暗傷之患乎

分機要云小便濇分利之 秘藏云濕氣內勝者分



利之 無擇云傷濕而下豆汁者分利之

消化

食毒 無擇云飲食冷熱酒醴醢醢縱情恣慾房室致

傷精血腸胃粘滯久積冷熱遂成毒痢嚴用和云或
有飲服冷酒寒物房室勞傷精血而成久毒痢則宜
化毒以保衛之 用誠曰人之飲食過傷恣食辛熱
寒冷之物皆能致傷腸胃腸胃一傷不能運化傳送
遂蓄積停滯而為痢經曰飲食不節起居不時者陰
受之陰受之則八五臟膜滿閉塞下為飧泄久為腸
澼是也治法當先消化食毒或可攻伐然後隨寒熱
溫涼以調之此二論本諸內經而世所未言者也

嚴氏苗根丸治一切毒痢及蠱症利血下如鷄肝心煩腹痛

苗根

洗

川升麻

犀角

地榆

當歸

黃連

枳殼

白芍藥

等分為末醋煮米糊丸如桐子大每服七十丸空心米飲下按此方消化死血解飲食毒之藥

藏氣鬱結宜調補

無擇云古方有五洩因藏氣鬱結隨其所

發便利濃血作青黃赤白黑色一一不同用誠云

凡三因所傷皆能干犯腸胃而為利外因六淫古方用藥則多有之內因藏氣鬱結與夫飲食房勞而致



諸方則未之見也 予從叔年踰五十夏間患滯下
病腹微痛所下褐色後重頻併穀食大減時有微熱
察其脈皆弦而澁似數而稍長却喜不甚浮大兩手
相等視其神氣大減予曰此滯下憂慮所致心血虧
脾氣弱耳遂與參朮為君當歸陳皮為臣川芎炒芍
藥茯苓為佐使時暄熱甚少加黃連兩月而安

溫補丹溪曰滯下或膿或血或膿血相雜或腸垢或無
糟粕或糟粕相混雖有痛不痛大痛之異然皆裏急
後重逼迫惱人似乎皆熱證實證也予近年涉歷亦
有大虛大寒者不可不知要長官年三十餘奉養厚

者夏秋間患滯下腹大痛有人教服單煮乾薑與一
帖則痛定少頃又與之又定由是服乾薑至三觔八
日視之左脉弦而稍大似數右脉弦而大稍減亦似
數重取之似緊予曰此必醉飽後吃寒涼太過而當
作虛寒治之因其多服乾薑遂教用四物湯去地黃
加人參白朮陳皮酒紅花花苓桃仁煎入生薑汁飲
之至一月而安金氏婦年近四十秋初尚熱患滯下
腹但隱痛夜重於晝全不得睡食亦稍減口乾不飲
已得治痢靈砂二帖矣予觀之兩手脉皆溢且不勻
神思倦甚飲食全減因與四物湯倍加白朮以陳皮



佐之與十數帖而安

痢疫人全良方云有一方一家之內上下傳染長幼相
似是疫毒痢也治法雖當察運氣之相勝亦不可狎
泥當先察其虛實冷熱首用敗毒散加人參甘草陳
皮隨證用之 用誠曰按此疫作痢歲常有之其謂
當察其運氣之相勝與病冷熱虛實之不同誠為確
論蓋欲學者知五運六氣有太過不及勝負之不同
以分風寒暑濕燥火為病而平治之也然首專用敗
毒散之義何其自狎泥也

裏急後重 病機曰裏急後重脉大而洪實為裏熱甚而閉



是有物結墜也若脉浮大甚不宜下雖裏急後重而脈沉細弱者謂寒在內而氣散也可溫養自愈裏急後重閉者大腸經氣不宣通也宜加檳榔木香宣通其氣原病式云下迫後重裏急窘迫急痛也火性急速而能燥物故也

用誠曰裏急者窘迫急痛是也後重者大腸墜重而下也夫裏急後重其證不一有因火熱者所謂火性急速而能燥物是也有因氣滯者此大腸經氣壅而不宣通也有因積滯壅盛者是有物結墜也有氣虛者此大腸氣降而不能升也有血虛者所謂虛坐

勞責是也治法火熱者寒之清之氣滯者調之積滯者去之氣虛而降者升之舉之血虛者補之各察其所因也切觀前論未為詳盡丹溪曰經云暴注下迫皆屬於熱下迫者即裏急後重之謂也

腹痛機要云腹痛者和之加當歸倍芍藥用誠曰泄

痢腹痛其證甚多皆因內氣鬱結不行所致理宜行氣散鬱為先然亦有挾寒挾火熱者有因積滯者有血虛者又宜隨證處治為當也今機要云和之一字總言之耳蓋加當歸倍芍藥之法惟血虛可用

嘔用誠曰泄痢而嘔病機謂胃氣不和所致蓋亦有

胃中火逆上衝而嘔者有胃虛而嘔者有積滯毒氣上攻而嘔者有陰虛而嘔者豈可一于胃氣之不和而不究及耶

禁口百一選方云禁口痢是毒氣上衝心肺所致用石蓮肉以通心氣

用誠曰按痢而能食知胃未病也若脾胃濕熱之毒熏蒸清道而上以致胃口閉塞而成禁口之證理宜除胃口之邪熱而此云毒氣上衝心肺其毒不知指何者之邪然亦有脾胃虛而得者亦有誤服利劑藥毒犯胃者又有服瀉熱之劑太早而邪氣閉過於胃

